

后山詩注
西渡詩集
附補遺



西
渡
詩
集

附補遺

洪
炎
撰

中
華
書
局

叢書集成初編

后山詩注（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

西渡詩集

此據小萬卷樓叢
書本排印初編各
叢書僅有此本

西渡詩集

己酉十一月二十六日避寇至龍潭院十二月十五日作五首

宋 洪 炎撰

徑轉橋橫水，林深寺據山。鐘魚告闌寂，松竹媚孱顏。避地欣有託，依僧成暫閑。東歸路不隔，片片隴雲還。突兀山椒寺，披榛二百年。刹從吾一作祖卜，席是里僧傳。溪送無盡水，林供不斷煙。囊中有餘粒，假息且安眠。

潭黑蛟龍宅，山青虎豹林。隱憂何日了，淹泊見冬深。薄雪恨還積，疎梅冷不禁。平生一樽酒，衰病一作廢孤斟。

殺氣纏中土，妖徵出泰階。架橋凌禹穴，投策暗秦淮。匪兇歌何苦，非熊願亦乖。申胥雖有淚，無地寄予懷。宵旰憂雖切，咨謀策靡長。築壇推騎劫，假節得麋芳。已矣重江險，哀哉古豫章。蓬茅今在否，矯首恨難忘。

次韻鄭公實見贈二詩

鄭侯風槩似虞薰，醉飽初疑對苾芬。一日君嘗南浦水，六年我踏寶峯雲。詩情賦物已聞命，山色溪光儘見分。羣盜何曾念王粲，相逢聊喜見斯文。

百濯生香眞寶薰，中冷取水挹清芬。素娥影落秋宵月，白鶴翎翻春晝陰。俗客來依禪客住，林花自與雨

花分扶傾不假迂儒力。敢倚筆端能綴文。

寶峯讀駒父壁閒詩次其韻二首

兔近通一綫。筍與度千尋。隔林見潭影。迎客有鈴音。梵唄出廣殿。飛舞來珍禽。屢此勝絕境。一清塵慮心。仲氏趣元遠。造詣非尺尋。誰云干戈際。獲覩金玉音。七日南山霧。一鳴幽谷禽。依然拂塵壁。愁絕見予心。

次韻公實感寓

求田問舍轉頭空。十口無家寄栗蓬。得失自憐嬰世網。是非都欲問天公。綿綿不解溪邊雨。淅淅無情松下風。賴有詩人排悶作。且吟佳句任窮通。

次韻公實雷雨

驚雷勢欲拔三山。急雨聲如倒百川。但作奇寒侵客夢。若爲一震靜胡煙。田園荆棘漫流水。河洛腥羶今幾年。擬扣九關牋帝所。人非大手筆非椽。

次韻公實喜晴二首

凍雨連三日。春膏過一犁。寺橋杯渡水。村徑襦行泥。燠若生陽谷。寒收豈石犀。欲窮洪範理。夕室有青藜。持璧還投鵠。鎔金恨作梨。行吟乘曉日。扶杖入春泥。顧學懷文豹。終慚禿角犀。徒歌無好語。野飯只羹藜。

馬太沖置酒卽事次公實韻

故人同客寓。蕭寺近清明。春事一尊酒。夜闌三尺檠。風流孔北海。文字漢西京。苦勸加餐飯。年來太瘦生。

山中聞杜鵑

山中三月聞杜鵑，百艸爭芳已消歇。綠陰初不待熏雨，啼鳥區區自流血。北窗移燈欲三更，南山高林時一聲。言歸汝亦無歸處，何用多言傷我情。

寶峯筍用公實韻

繞寺千林筍，高低逐澗邱。參差舒鳳尾，突兀長貓頭。入鼎資甘脆，殘林且罷休。會須堪小艇，裁作海乘浮。公實示閒字韻詩，悵然有感，次韻奉和，三首。

晴暉生燠雨生寒，朱夏陽春季孟閒。斷雁哀猿金馬客，落花流水石門山。早知蟻穴成何事，欲棹漁舟去不還。昭代有琴無作止，虧成都任一機關。

輒笑人歌行路難，畏人無地出人閒。欣逢北海孫賓石，猶是江南庾子山。野草離離隨意綠，羣蟲泛泛倦飛還。一川煙草松蘿外，何處梯雲叩九關。

此國非燕南趙北，我琴無漢上桑閒。勞生聊作夢中夢，苦雨莫酬山復山。觸石白雲數峯起，照人明月一鉤還。德星已爲荀陳聚，紫氣休浮函谷關。

漢末童謠燕南趙北際中央，不合大如礪，惟有此閒可避世。

載酒邀公實同過西園食枇杷次公實韻

有美枇杷子，三珍共一時。朱櫻梁苑早，盧橘蜀都遲。載酒寧辭病，窺園似好奇。酬君要佳句，從古未題詩。公實再賦枇杷之什，次韻二首。

連雲葱蒨外。佳樹枇杷林。味極東南美。恩知雨露深。山夫啄栗玉。谷鳥避丸金。永日竊棲意。茲焉一慰心。
醞醕尊中酒。枇杷雲外林。甘飡千顆盡。軟語一盃深。老境宜扶杖。交情得斷金。遺民伐荻去。真處卽吾心。
公實作暴雨詩次其韻

民生唯播殖。天意在農深。一夜盆傾雨。千家粒食心。知時占聚蟻。催種有鳴禽。喜是田間語。青青刺水鍼。
次韻卽事二首

自愧山林士。來炊蕭寺煙。怨驚寄猿鶴。飛躍任魚鳶。咄咄空中字。昏昏醉後眠。攜文非孟子。何以差狂顛。
寄楊逢僧夏。登場喜麥秋。一風將浹日。四月尙重裘。去矣吁何及。歸與幸少休。雨晴寒自敗。桂魄更添愁。
次韻野步

意行無遠近。山徑自橫斜。煙月生晴嶺。風幡接暮霞。影歸巢幕燕。聲散宿林鴉。屣履相隨處。僧垣卽是家。
遊都梁山

風吹古汲口。雲滿都梁山。執熱厭偃仄。幽尋上孱顏。清泉似石乳。滴瀝崑崙間。乞此一瓢飲。爲卻千載煩。
山靈知我意。殷然下層巒。散空作急雨。挾石出甘寒。一酌蕩幽顛。三咽縈肺肝。輕軀變滯骨。塵鞅思靈關。
來當踏雲至。去當御風還。再拜謝神休。幸汝不我慳。

四月二十三日晚同太沖表之公實野步

四山轟轟野田田。近是人煙遠是村。鳥外疎鐘靈隱寺。花邊流水武陵源。有逢卽畫元非筆。所見皆詩本。

不言看插秧。栽欲忘返。杖藜徙倚到黃昏。

野步

散策尋溪偶緩行。羈縻愁眼忽雙明。非煙幕幕平蕪合。倒影層層遠翠橫。鷗鷺低飛映山去。江湖一諾白

五六句有誤字。

石門中夏雨寒

五年敵騎擾中原。四月江南尙薄寒。入月誰能移太白。來朝我亦見呼韓。灌壇風雨行將戢。陋巷箴瓢且自寬。紅日再中天地正。泥塗不辱漢衣冠。

次韻卽事一首

端居入夏愁更新。不數多愁過一春。踴虛難同若士去。取醉但與索郎親。朝天幾日車同軌。擊地共唱胡無人。自許世才非管樂。聊將心事比雷陳。

嘗白酒用廢韻

竹葉榴花久擅場。一尊雲液勝椒漿。人惟任達常中聖。樂自消憂不作狂。滿泛冰蟪無別色。錯斟瓶水有真香。祇應剩醒逡巡酒。始耐仙山日月長。

病閒和公實飲酒詩

憂每傷人人亦憂。花蒙兩眼雪蒙頭。干戈滿地不可觸。衰笠爲家何處浮。秋入鳴蟬催暑去。酒如凝露與

清謀寫成庾信江南賦。更續相如老倦游。

戲和公實感秋對酒

青山愛客長青眼。白酒知時泛白雲。少日悲歡纔一瞬。中星寒暑又平分。稻梁狼籍餘棲畝。雀鼠穿窬自立勳。一葉已驚秋意早。映階黃落更紛紛。

次韻公實七月一日雨感懷二首

平生離俗得閑多。素髮驚秋柰老何。賓從盤殮唯白石。意行供帳有青蘿。御風獨往松三徑。踏月空歸雪一蓑。短布單衣窮至骨。醉吟不作飯牛歌。

日日愁隨萬緒多。遺愁不去若愁何。文書引睡繙黃卷。福地求生訪綠蘿。酒厭銀瓶聊注瓦。衣辭錦襖卻披蓑。五更風雨作金石。助我貫珠商頌歌。

韋莊蜀程記入嘉陵道上如行青蘿帳中。福地記武陵有綠蘿福地與桃花源相接。

將去寶峯誦老杜更欲投何處賦五言三首

更欲投何處。乾坤老病身。窮愁但有骨。棲泊渺無津。巖穴探幽數。人煙隔幾秦。驅車上九折。回首想傷神。更欲投何處。窮猿不擇林。低回竹柏語。慘感鐘魚心。邑邑出門淚。行行度嶺吟。西江如可吸。在處海潮音。更欲投何處。仙山不可窺。欲尋吳許跡。默與綺園期。裹飯隨妻子。清秋問路岐。神真有汲引。逸駕或容追。

弈棋絕句二首

新秋遣悶只圍棋。病不銜杯亦廢詩。對局蕭然兩無語。箇中君子有爭時。

鷺落寒江鷓鴣汀。晴窗飛電擊磬聲。方圓動靜隨機見。清簾疎簾眼倍明。

再賦二首

白日惟銷一局棋。攬棋還誦李侯詩。傍觀不作千年計。曾有局成柯爛時。
碁局醒心過博局。棋聲娛耳勝琴聲。少年此戲殊不惡。坐隱時間夜達明。

再賦弈棋五言八句五首

荆璞玉爲子。井文楸作枰。有求唯別墅。不喜得宣城。跼跼飛鳶墮。丁丁伐木聲。破愁逢一笑。無地著虧成。
祇園三日雨。碧澗一枰秋。試問井中趣。何如林下幽。從他著虎口。尋我鎮神頭。惟悟爭先法。當機與手謀。
不作丹朱戲。難禁清晝長。敢言白玉局。聊取紫羅囊。角道空傳記。乘除自有方。兒童爭畫紙。謾學老夫狂。
眉山非快手。弈勝亦欣然。變態一翻覆。幾微繫後先。陶公慮太過。雪女慧堪憐。張弛誠吾道。斯文許爾賢。
凝神迷遠躅。致一有全功。皎皎婦姑月。冥冥鴻鵠風。置君愚甯子。議樂陋溫公。誰謂商山老。飄然到橘中。

越王山二首

朝登萬仞岡。夕宿雲霞間。越王昔何時。稅駕宅此山。山顛有石室。險絕未可攀。煙樹相映帶。尙想鸞輪還。
文吳二仙子。騰蹕跨兩班。俯仰五百秋。下視悲人寰。王室久蕩析。世路方孔艱。我真仙人居。荷鉏支蓬菅。
林泉依福地。樵汲闢靈關。庶以遠兵革。返茲後死顏。

越王名茲山。無復車馬跡。絕頂有佳處。軒然大磐石。靈洞閤其中。神池瀉其側。雲氣朝夕生。合散一瞬息。

吾聞王子搜，隱遯辭越國。玉輿去不返，丹□鏃荆棘。二仙出季世，故老猶記識。遺蹤落人間，不稽傳寶墨。我睇伯夷清，願作老聘役。脫身埃壙外，掬喝□三益。

嶺雲

吾居半山，上繞屋猶峻嶺。舉頭即見之，坐臥作牆屏。忽復不可求，湧洞雲萬頃。初疑岸谷變，身不踐人境。俄頃如故常，突兀在屋頂。隱見須臾閒，變態莫記省。煙霞成痼疾，終日常炯炯。早聞金丹訣，未辨下壚井。世亂一邱壑，斯志或可逞。鳴猿落空巖，羣鶴颺晴影。石泉漱芳潤，草木皆秀整。洞天有歸路，未往心已領。從寶峯長老惟足求貓頭笋。

金櫃子

不識貓頭笋，還思馬祖山。庭蘭生舊苗，棚錦換新班。蘊玉爭懷寶，登盤想飮餐。分甘須剩剝，遠助一瓢餐。若石一作榴資彭糧，櫃實伐彭兵。三彭穴身中，各以尸自名。伺隙戕所託，睢盱爲已榮。仙山無凡木，櫃林高且清。八月實纍纍，斗量亦囊盈。盈盤得恣食，不與汝糧并。嗟汝小點爾，安所逃汝生。蚤讀黃老書，五牙漱琅英。雖微玉山果，知汝久已行。喪亂食不作，長飢病所嬰。蟠桃未能致，橡栗庶可營。作詩頌子櫃，期子以主盟。

十月十五日山中下視雲氣自山椒出已而瀟漫咫尺不辨巖谷戲成五言一首

一歲下元日，千山小雪天。雲層生遠壑，雨潦割平川。放牧虛橫吹，樵蘇樂靜眠。遙知載酒客，無路到齋前。

十月十六日

雲氣依然合山蹊舊不通。齏鹽猶可問牢體頓能空。細覓泉聲外疎籬犬吠中無人披宿霧採藥過龐公。
南城鄧氏亭

小麥青青山一曲江南千里傷春目。肝母江頭喚渡人遙指麻源第三谷。裏鹽包飯各忽忽回首煙霞樓觀中詩成更覓羊何和猶是前身內史公。

遊麻姑山仙都觀

迥露出南郭。遶塗眇西嶺。幽尋不憚遠。陡巘造殊境。懸瀑瀉天路。高齋跨參井。麻姑固神人。上下凌倒景。逸駕不容追。遺蹤搏塵影。仙壇獨歸然。鮮蝕此山頂。古屋鳴鶴鶴。汗池育蛙黽。葛顏有異聞。源委邈難省。空餘豐碑字。欸若猊驤騁。永言賞心遇。所樂塵霧屏。濯纓欲自孔。斲鼻還思郢。安得斯人徒。置論挈裘領。聖真豈遠而。炯炯金在鑪。九州孕明月。七返闕神鼎。至道如可求。汲深願修綆。

靜思院上元日二首

姑麻山換越王山。憶昨下元今上元。老去休驚長客寓。春來不擬問田園。畏途豺虎中原近。挾日風雲四海昏。夢遶瀟湘無落處。憑誰楚些與招魂。
欲趨嚴蹕萬重山。且酌清尊慶改元。稿事何時銷劍戟。賢書不用到邱園。傷心華屋燈如晝。觸眼荒塗犬吠昏。今日江東須管仲。可憐窮寇尙遊魂。

雲漢院

水竹依山住。煙霞並舍分。愁添中夜雨。冷浸一溪雲。滿目干戈地。關心鳥獸羣。歸途如可問。猛犬莫猶猜。

二月十二日偶成

金谿東行二十里。高卽登山下臨水。亂山中斷水橫流。水際招提對山起。丹青像設半泥塗。野僧一飯無鐘魚。散策閑尋筍蕨芽。密林時逢桃李花。

信州逢寒食

客行寒食路。春晚上饒城。野寺鳥烏樂。山蹊荆棘生。人隨□雁集。地隔一牛鳴。俛首征途內。官曹何日清。

題盛彥光邱壑軒

盛子卜居南澗濱。開軒自比葛天民。一邱一壑有能事。三浴三薰無俗塵。閑逐逸人同執射。偶逢漁父亦垂綸。此軒成毀吾何預。畫著崑閭恐未真。

代簡呈信州李使君

萬斛誰能破客愁。一尊風味乏醇醲。中丞自許憐漁父。鬲上無端住督郵。必使索郎頻有顧。也知歎伯解消憂。蘇州刺史詩盈卷。還憶山僧冷病不。

曉發鵝湖

萬松參嶺路千畝。勸春耕。不復紅鵝下。空餘碧澗橫。佛局穿縹緲。仙馭鑱崢嶸。道釋分殊境。監輿許我行。

古田縣

勾吳於越通舟車。南走甌閩城百餘。盤山架橋窮奧區。班春不行猶一墟。此邦自與桃源並。不能深藏卽人境。五百年間閱戰爭。澆樸散盡狙詐生。

次韻和古田縣丞方景南見惠詩

疎慵我似海鷗閒。文彩君如霧豹斑。不省流離思樂土。深知鄉往愧高山。低飛乳燕聲相接。小叩華鯨夢亦還。共看園基欲終日。忘年初在立談閒。

游石鼓山湧泉院

昔聞石鼓鳴。今作石鼓游。擊拊久已息。甲兵殊未休。精廬莊嚴海。百室雲霧浮。維時當長夏。蕭颯如涼秋。高崖不見日。老木枝相樛。靈泉發嵌竇。下注千仞溝。向來經行人。頗以名字留。俯仰百年內。磨鐫遍巖幽。石橋可坐臥。清絕無等儔。衆山合沓來。響答相獻酬。雖逢會心欣。未弭當世憂。不知稽山上。復有勝處不。六飛尙東巡。狐兔穴中州。戈鋌塞河洛。冠蓋集閩甌。墮此吠雪國。烈火爛不收。炎飈方焚輪。赫曦欲停輜。微生類焦□。茲焉得依投。一乘凌風翰。濯纓天漢流。

石湖院

古木參天水一溝。潮來曲折可藏舟。招提密映晴嵐起。滄海潛通夜氣浮。丹荔薦盤驚北客。赤蟬供饌識炎州。卻疑江左知名士。不作乘桴浩蕩游。

初食生荔枝二首

六月寓閩山。初逢荔枝丹。皺紅分顆顆。凝白作團團。品目誠無限。珍甘擬亦難。不勞走馬使。安坐得加餐。獨擅東南美。誰知十八娘。笑顰俱有味。朱粉不迷香。璀璨珠生掌。清冷露入囊。風流須第一。飣座每難忘。

秋日登萬歲寺平遠臺次虞韻

山川信美自愁多。嶺海途窮可若何。倦客難尋越絕記。畸人但唱郢中歌。天香不入伊蒲塞。佛水猶開優鉢羅。還是浮雲韜白日。鳳皇臺上一經過。

戲次韻和了信上座

天公下觀戲魚龍。分披敦物曉岱宗。塵沙欲枯□□眼。酒醴難澆磊塊胸。會稽之南曰閩海。東行萬里因雄風。二兒得邑古長樂。意擬分治三山中。門張雀羅卽我室。弔影不識求羊蹤。擔簦挾卷者誰氏。捉筆言詩有此公。紛紛道傍皆苦李。辛酸交攻無復理。入林初聞薜蔔香。知味自覺醍醐美。今時杜陵見老人。他日湯休望吾子。我觀蓬壺纔一水。桐柏羅浮相對起。赤鳥銜符得寶書。青鳥拂簷來報喜。君能無事如懶殘。吾兒倘不慙張底。

題團樂圖

一老滅塵慮。七兒同靜緣。境超法界觀。身作地行仙。男女非殊相。丹青亦浪傳。襄陽聚首話。猶是在家禪。社日宇文德和送酒次虞韻

羈游苦自澤藏山。老境難希藥駐顏。日日尋春穿窈窕。行行止渴漱潺湲。忽逢歡伯來傾蓋。無數愁城盡斬關。多謝天公愛狂客。九衢忙裏獨偷閑。

次韻許子大王豐父圓明送春之什

鷓鴣能愁物外人。芳菲聊借夢中身。要知瓊刃非凡骨。信有金庭不盡春。伯雅相將浮鴨綠。素娥應供踏蟾銀。休驚麗句同仙授。王許從來侍帝辰。

次韻許子大李丞相家牡丹芍藥詩

仙丹麗質冠年華。復有餘容殿百花。看取三春如轉影。折來一笑是生涯。綺羅不妬傾城色。蜂蝶難親上相家。京國十年昏病眼。可憐風雨落朝霞。

福州程使君止戈堂二首

甌山閩海南。高深幕府同。開闢古今堂。號止戈賢守意。郡名長樂聖君心。行看鑄劍爲農器。卽有飛鴉集泮林。比日東南是洙泗。喜聞絃誦發清音。跳梁山谷有頑民。電掃風除一聚塵。排闥江山千里眼。滿庭桃李四時春。定知當口思襲遂。政恐攀輿借寇恂。誰是諸侯老賓客。酣歌應許杜陵人。

聞師川諫議至漳州作建除字詩十二韻迓之

建武下詔書。海嶠識明主。除吏得陽城。所喜逸民舉。滿腹懷經綸。筆閒含露雨。平生相期心。中興爾乎取。